



Resolución da Dirección Xeral de Centros e Recursos Humanos, de 16 de xuño de 2015, relativa á concesión dos Selos “Biblioteca Escolar Solidaria” correspondentes ao curso 2014/2015, ao abeiro do Programa “Bibliotecas Escolares Solidarias”, da Consellería de Cultura, Educación e Ordenación Universitaria.

Con data 5 de decembro de 2014, a Dirección Xeral de Centros e Recursos Humanos fixo pública unha resolución pola que se daba inicio ao programa BIBLIOTECAS ESCOLARES SOLIDARIAS, que conta coa colaboración da Dirección Xeral de Xuventude e Voluntariado (Consellería de Traballo e Benestar). Este programa inclúe diversas accións e ten como finalidade estimular o voluntariado cultural en relación coas bibliotecas e a lectura entre o alumnado dos niveis non universitarios e as súas familias, nos centros públicos de titularidade da Consellería de Cultura, Educación e Ordenación Universitaria, e recoñecer os esforzos das comunidades educativas por conformar bibliotecas escolares que axuden a paliar as desigualdades no acceso ao coñecemento e ao uso dos recursos culturais e de aprendizaxe.

Unha das iniciativas contempladas era o concesión do Selo “Biblioteca Escolar Solidaria” a aquelas bibliotecas nas que se traballa de forma salientable a compensación de desigualdades e se fomenta o voluntariado cultural entre os integrantes da comunidade escolar. Este selo é un recoñecemento ao traballo das comunidades educativas a prol dunha biblioteca escolar atenta ás necesidades de todos os seus integrantes en materia de lectura e de acceso ao coñecemento. Tal e como se recollía no apartado 2 da devandita resolución, poden optar á concesión do selo os centros que cumpran unha serie de requisitos:

- Traballar especificamente valores de xustiza e solidariedade, propiciar de forma salientable a compensación de desigualdades e favorecer o uso dos recursos con fórmulas de aproveitamento axeitadas mediante un programa de medidas estruturais e sistematizadas.
- Contar cun grupo de alumnado voluntario da biblioteca.
- Involucrar ás familias como colaboradoras da biblioteca escolar: familias voluntarias.

Os centros podían presentar as súas candidaturas xunto cunha memoria de actividades antes do 15 de maio. Constituíuse a Comisión de Valoración prevista no apartado 2 da resolución de 5 de decembro e valoráronse todas e cada unha das candidaturas presentadas, ao abeiro dos requisitos contemplados no apartado 2, punto 2 da devandita resolución, e en consecuencia,

RESOLVO:

Primeiro.: Conceder o Selo “Biblioteca Escolar Solidaria” aos centros que se relacionan:

Centro	Concello	Provincia
CEIP Plurilingüe A Pontenova	A Pontenova	Lugo
CEIP Montemogos	Bueu	Pontevedra
CEIP de Leirado	Salvaterra de Miño	Pontevedra
CEIP Seis do Nadal	Vigo	Pontevedra



Segundo.: Remitirase aos centros un arquivo dixital co selo “Biblioteca Escolar Solidaria” que poderán inserir nos espazos web e outras publicacións da biblioteca escolar. Este selo é un distintivo de calidade en termos de traballo solidario e a favor da comunidade escolar. Así mesmo, os centros recibirán un diploma acreditativo.

Terceiro.: Esta Dirección Xeral realizará difusión das experiencias correspondentes aos selos concedidos a través dos seus espazos web de Bibliotecas Escolares de Galicia, co fin de estimular este tipo de iniciativas e dar a coñecer as boas experiencias.

Santiago de Compostela, 16 de xuño de 2015
O DIRECTOR XERAL DE CENTROS E RECURSOS HUMANOS

José Manuel Pinal Rodríguez